

QUÆSTIO MEDICA,

66

QUODLIBETARIIS DISPUTATIONIBUS
manè discutienda in Scholis Medicorum, die Jovis
vigesima-secundâ Decembris.

M. PETRO BOURDELOT, Doctore
Medico, Regis perpetuò ordinario, Præsidente.



An Peracutis statim, ut plurimum, purgatio per superiora?

I.

UT modici victus & tempestivæ exercitationis præm-
ium, constans & à quibullibet ærumnis tutior sa-
nitas, sic largiores cibos, & vitam molli inertiâ tor-
pentem, sua semper sequitur poena; Humorum nem-
pè quantitate aut qualitate peccantium redundantia, morbo-
rum fere omnium fons & origo; vacuatione, si aliter emendari
non potest, protinus auferenda. Hanc, quam *καταρρηλα* græci
dicunt, præsertim eliminat purgatio, seu humoris qualitate
noxii, per loca commoda, arte facta evacuatio; Illam, quam
πλυσίον nuncupant, promptè & expeditè educit sanguinis
per venæ sectionem detractio: Hæc duo ut præcipua evacua-
tionum genera, ita & præstantiora medicinæ subsidia, ac velu-
ti manus, quisquis loco, tempore, & modo convenienti, noverit
administrare, perspectumque habuerit, quod vacuandi genus,
cuique morbo, & quandò, & quantum conveniat, is profectò
videri debet multò maximam artis partem consecutus, Medi-
cus certè singulari reverentiâ colendus. Sed his cave des nominis
illius honorem, qui vel iudicii, vel artis inopiâ, nequeunt inter-
noscere, quibus affectibus venæ sectio, quibus purgatio & quandò
sit afferenda, vel hæc illi anteponenda. Qui fallaci nescio quâ
traditione potius quàm ratione & experientiâ innixi, omnique
posthabita Hippocratis & Galeni Medicinæ Antistitum au-
thoritate, aut perperam intellectu, in nullo non morbo vel fri-
gidissimo sanguinem audaciter profundunt; nequè satis habent

* Fernel. de
vacua. rat.
edit. 1548.
pag. 7.

semel atque iterum detraxisse, sed adeò frequenter & abundè, ut exhaustis, simul cum pretioso naturæ thesauro agrè reparabili, penitus viribus, ægrotum unà cum ægritudine sæpe numero jugulent: Purgare contrà cùm expedit, plerumque tam timide & diffidenter se gerunt, & tandiù procrastinant, dum morbos ex brevibus diuturnos, & ex curabilibus insanabiles fecerint; quasi verò nunquàm pænituisset distulisse purgationem? & in solâ vitæ fontis profusione generosum, promptum, audacem, imò & temerarium esse liceret? discant tandem, vel ex ipsis (quos summos medendi magistros fatentur quidè, rarò tamèn sequuntur aut intelligunt) Hippocrate & Galeno, venæ sectionem (quam præ cæteris morbus jam consistens, bilis, ipsamet febris, & pleuritis non raro prohibent, etiàm his qui cruenta expuunt^b) uni plethoræ, solâ benignioris succi lasciviâ formidabili, convenire; & tunc solum cacoehymia, circa morborum initia, & viribus integris, deberi, cum plenitudinem, inflammationem, aut obstructionem aliquam insignem secum habet adjunctam; purgationem verò, crudi impurique humoris turgescentiæ sæpius fatalis, proprium ac legitimum remedium, post materiæ concoctionem non semper remittendam; sed incutibus his morbis, etiam per superiora medicandum, in quibus periculum est in morâ, & plurimus turgidusque humor, aut turgere facilis, coctionis impatiens, superiores vias petit.

I I.

A VACUANTE Medicamentò, benè vel præposterè exhibitò, sæpè sæpius vita & mors. Hinc nihil in omni Medicinâ majoris momenti quàm vacuandi ratio; nihil tamèn hæcenus apud plerosque medentes obscurum magis atque controversum: ad hunc scopulum offendunt penè omnes, frequentibusque naufragiis, & pudendâ in re tam gravi dissensione efficiunt, ut ars omnium præstantissima, non aliis alioquin quam ipsius naturæ legibus constantibus & æternis stabilita, in acerbissimam vulgi contumeliam incurrat, ægrotis non minùs quam Medentibus perniciosam: A Medendi & enim professione, si quæ alia, fædis, & horrendis, imò & non raro mortiferis plena laboribus, honorem & gloriam qui semel sustulerit, hanc ingenuo, & ad magna surgenti viro prorsus indignam facit, vilibusque solum mancipiis deinceps exercendam remittit; quo quidem nihil rei-

^b Gal.
comm. 3.
in 6. Epid.

publicæ calamitosius potest excogitari. An idcirco laudandos dixerimus qui pulli non affectui, illâ vulgo ridiculâ, palam in theatris explosâ, antiquis incognitâ, & à nonnullis sæculi præteriti temerariis novatoribus infœliciter introductâ, ratione medentur. ^c *Clyffer, Phlebotomia, Potio* : Nefas rati venæ sectionem, à quâ omnis curationis exordium semper inducunt, post purgationem unquam remittere, hanc verò in gravioribus morbis, nisi desinentibus, concoctâ materiâ, & post septimum diem præscribere. *Incredibile dictu quàm multos trita vulgataque hæc medendi via, ac præsertim in pleuritide perdiderit.* ^d An Medicos Italiæ ferè totius Romanos præsertim pluris faciemus, qui purgationem contrâ venæ sectioni nunquam non anteponunt? An Neapolis & Siciliæ potissimum populis Medicinam facientes, qui quarto die semper, sexto verò nunquam, in acutis purgandum existimant? An Agyrtas denique & Empyricos, impunè de corio humanò etiâ nobiliori ludentes, qui nullo neque morbi, neque temporis factò discrimine, seu dejectione, seu vomitu, Tros Rutulove fuit æger, mas vel femina, prægnans vel nondum matura viro, quò jure, quâ injuriâ, ad mortem usquè sæpius evacuando, miserè excruciant? His & illis, salutiferæ purgationis modum in acutioribus, novisse negatum est, solis verò concessum, qui solertis ingenii acie, summâque sapientiâ præditi, assiduâ Medicinæ Principum, Hippocratis præsertim meditatione, & experientiâ non vulgari instructi, omnia diligenter circumspiciunt, tenent quæ sit cujusque morbi facies, quanta visum quemque concitarit, insidiosâ affectuum malignorum mollitèr incipientium benignitate non decepti, agrum nihil tale cogitantem fraudulentè enecari non patiuntur, malos eventus prænoscent, & fœlici mutatione bonos faciunt sæpissimè; vacuandi indicationem ab humoris noxii specie & situ, morbi vehementiâ, & viribus ægri, desumunt potius, quam à certò & determinatò dierum numero; docti quàm sit periculosum, in gravissimis affectibus, crism aut coctionem sæpius non futuram, expectare, non morantur cum graviter urget vis mali; & ut momentum occasionis, quæ ut in bellò, sic in medicinâ rei gerendæ caput est, & summa summarum, temerariâ festinatione antecapiunt nunquam, sic pœnitendâ cunctatione elabi & præterire non sinunt.

^c Fernel.
ibid. pag.
39.

^d Ballon.
Epid. pag.
79.

FOELICES Medici si de illis soli judicarent medicinæ periti: feliciores ægri si pro veris Medicis non haberent qui medicinæ sunt expertes, iisque salutis suæ curam quotidie, proh dolor: non committerent. Rari norunt quid distentia lupinis. Vulgus, etiam & in aulâ frequens, ratum præcipuam Medicorum diligentiam in multiplici remedium apparatu versari, eos solummodò existimat antecellere, quos in promptu remedia tenere arbitratur. Longè aliter sapientissimus Hippocrates, hunc solum laude dignissimum censet, quicumque in morbis acutis, (quos ut maximè calamitosos atque funestos, peritoris Medici manum magis tutam atque diligentem postulare meritò dixeris,) id consecutus fuerit, ut rectâ medendi viâ atque methodo, cæteris præstare videatur; hæc scilicet quâ vis arcanâ ac præciosâ compositione potior, eruditum ab indocto, Medicum ab Emphyrico, sola verè distinguit. Porro morbi acuti in quibus parvis momentis multa meliora & deteriora sunt, atque adeo incertæ sunt admodum prædictiones salutis vel interitûs, definiuntur ii qui velociter, cum impetu, & periculo, ad statum continuo pede moventur, siuè sæviant sinè febre, siuè cum febre essentiali, aut symptomatîcâ ægrotantem exerceant: Pro variis velocitatis & vehementiæ gradibus vocantur vel acuti simpliciter, qui ad decimum quartum, aliàs ad vigesimum usquè diem perdurant; vel dicuntur peracuti, qui primo septenario circumscribuntur; vel demùm acutissimi, qui ab ortu primo, statim validi, rapido cursu properant ad exitium sæpius quàm ad salutem, & intrâ tertium aut quartum diem cessant vel interimunt. Horum omnium magnitudo ex affectû partis dignitate, humoris morbifici naturâ, symptomatum gravitate, solet æstimari. Acutorum parens maximè vel serosa & putris illuvies, turgens aut turgere facilis, raro collisionis capax; vel biliosus humor qui insigni fervore ac feritate, excussio naturæ jugo, huc & illuc plurimus furit, impatiens loci, & quietis nescius, superis, magisque principibus partibus, præsertim formidabilis; in quas si semel irruat, quod toto morbi decursu timendum, licet ad tibicines mittas. An in tam periculosâ rerum perturbatione, in quâ celeritas ipsa mora est, fato suo miserum ægrotantem relinquet iners & male feriat Medici? An ad illud celebre Hippocratis effatum *πέποινα φαρμάκων*

tanquam ad caput Medusæ hærens attonitus, cōsionem morte
 sapius tardiozem morabitur ? quasi verò tam sanctè audiendus
 ille aphorismus, ° hoc præsertim sæculo magis otioso & intem-
 peranti, atque intantâ benigniorum medicamentorum suppel-
 lectile ? Quasi denique fas non sit nisi victos & jam senescente
 morbo caltigatos humores unquàm aggredi ? Purgationem sanè
 in acutorum iniitiis sapius suadet vera medendi ratio, compro-
 bat felix experientia, nec prohibet, quin imò passim præscribit,
 & imperat ipsemet divinus senex. Mediocris affectus quoniam
 nec præceps est nec periculosus, lentè paulatimque tutius qui-
 dem eximitur, at præcípites & acerrimi, brevi vires oppressuri &
 extincturi, in quibus materia turget, suoque motu & instabilitate
 omnia conturbat, statim initio valentissimum Medicamentum
 postulant. Extremis morbis extrema diligentissimè debentur
 remedia ; in his non periclitari extremum periculum, certa
 desperatio, & summa artis ignorantia. Ergone etiàm tunc peritior
 Medicus morbum novare, imò interdum etiàm augere & febrem
 accendere non dubitabit ? Quidni ? cum curationem ubi id quod
 est non recipit, poterit recipere id quod futurum est ; nihilque
 non tentandum sit, quod prodesse valeat ægris, etiam desperatis.

I V.

OMNIBUS morbis ut singulis animantibus suæ sunt æta-
 tes & temporum fatales cursus sedulò inspicendi, & quibus
 neglectis, optima quæque sunt pestifera, aliter medendum ineunti-
 bus, aliter incrementibus, aliter subsistentibus, aliter jam ad
 sanitatem inclinantibus ; nec satis dici potest, in acutorum præ-
 sertim curatione, quid & quantum intersit, idem utrum antè,
 an post, hoc vel illo modò decernatur, agatur. Incertus es quid
 agas in re tam ancipiti ? Hippocratem interroga ? & nullius
 magis verum atque hujus responsum existimes. *Cum morbi in-*
choant, inquit, si quid movendum videtur, move ; cum vero consistunt
ac vigent, melius est quietem habere, & enim circà initia, & fines,
omnia imbecilliora, circà statum verò fortiora. Hoc fortè non con-
 tentus oraculò alterum expostulas ? en accipe ? *Circa ægrotos con-*
siderare oportet statim in constitutionis principio, qua re opus habent, &
quales sint ut pharmaco purgentur ; si verò omisso principio ad finem jam
vergente morbo exhibueris, in decessatò corpore fortè quiddam præ-
bere veritus, periculum est, ne magis delinquas quàm successum con-

° Ballon.
 Epid. lib. 2.
 p. 142.

Aph. 29.
 & 30. lect.
 2. ex qui-
 bus unicum
 facit Gale-
 nus.

Hip. lib de
 affect. n^o.
 1^o.

sequaris. Quid plura? Hinc satis constet non solum in acutorum principio non prohiberi purgationem, etiam non turgentem materiam, sed ex duobus temporibus principio nimirum & declinatione, (aliàs enim ab omni medicatione abstinendum, nisi extrema & enormis cogat necessitas) principium declinationi longe præferendum. Hanc legem universò medentium ordini impositam, adeò religiosè ipsemet observavit divinus senex, ut vix purgationem in acutis ab eo factam transactò principio invenias; quod tamen rarò, nisi materia turgeat, & cum præmeditatione faciendum præcipit; quæ in eo potissimum reposita est, tùm nè virtus naturæ, libertas meatibus, & materiæ fluiditas desideretur; cum ne crudus viscidusque humor, intimis suffusus visceribus, obstructionum, inflammationum atque adeò acutorum etiam author non infrequens, medicamentò frustra ante pepasum tentetur, quem quidem expectare tutius semper, quoties turgens & urgens humor non cogit accelerare. *Quæ etenim die, imò & horâ, turget in valdè acutis, eadem medicandus, tardare in talibus malum.* Et tunc non modo temporis, sed cum periculum est ne aut turgeat, aut quid insidiosâ benignitatis specie occultet maligni & pestiferi; prudens quipè timeas, ne symptomata initio leviora, cundo ingravescant, eorum acerbitate vires frangantur, effusus humor partem aliquam obruat, cujus officio vita carere non possit; Morbus denique, alioquin brevis & sanabilis, imprudenti & imperitâ cunctatione, aut longior aut exitiosus evadat. Adde quod si quid ineunte morbo peccaveris, illud non æquè sit insanabile, atque id quod incidit in morbi vigorem, in quò & non minus venam secare, quam purgare nefas, & vel minimus error, morte ut plurimum plectitur. Porro propriè turget humor quicumque nondum in aliquâ parte firmatus, tenuis, fervens, præceps, impotensque sui, plurimus tumet, ac velut æstro percitus, circum claustra fremit, & quoquo versum debacchatur; quem in statione continere, regere, & superare cum amplius natura non valeat, prudentior est medici, & occasionis captatoris eximii, illius jam sub pondere gementis & mox opprimendæ, causam suscipere, ac potentiori pharmacò, etiam ancipiti, defultorium & seditiosum hospitem, extremam secus perniciem allaturum, omninò, aut saltè partim, festinantèr eliminare.

Aph. 10.
sect. 4.

CUM ita comparata sit omnis medendi ac præsertim vacuandiratio, ut minimis æquè momentis in ægri commeda peccetur, etiamsi acri cum judicio definita fuerit purgandi necessitas; considerandum adhuc, quemadmodum & quibus auxiliis id queat effici. Quo major etenim ex artificiosâ vacatione fructus percipitur, si consideratè fuerit adhibita, & ad normam illius quam naturæ beneficio, bonis ægri rebus fieri nonnunquam animadvertimus; eo majora per illam iniquè institutam detrimenta importantur. Duas in primis purgandi vias natura monstravit, quibus humores, qui toto corpore in vitio sunt, æquabiliter possint excludi, vomitionem sursum, dejectionem deorsum; in hujus vel illius convenientiori delectu non mediocris sagacitas, & artis peritia. Hippocratis studiosus, solus vere Medicus, tenet primam in purgando legem esse, *ut quæ ducere oportet, quò maximè natura vergit, per loca conferentia & magis vicina eò ducantur*; motuum naturæ sedulus observator faventes & idoneos fovet, adjuvat, sequitur; sin minus, compescit, prohibet, aut aliò revocat: novit quanti sit astimanda divini senis ἀναρροῖν, κατάρροῖν, sursum inclinatio, deorsum inclinatio; atque huic dejectionem, illi vomitum convenire. Hic antiquis maximè commendatus, omnium purgationum saluberrimus, eò saltè præstantior, quòd præcedentem coctionem non requirat, & incipientibus morbis, imò & febrium accessionibus opportunissimè solus moveatur: temerè tamèn non præscribendus Tabidis, Astmaticis, atque iis quos præcordiorum inflammatio, aut vehemens dolor, aut longior, exercet agritudo, aut prostratæ vires deficiunt. Triplex autèm utraque illa inclinatio sive sursum, sive deorsum; prima humoris, altera naturæ, postrema ipsius morbi. Humor præ tenuitate lasciviens, in fermentatione & orgasmo positus, acutorum parens frequentior, constanti motûs lege, superas tentat ire vias; quemadmodum crassus, impactus, concoctus proprio pondere deorsum tendit: Qui multâ bile aut serô scatent, juvenes, ætate & viribus consistentes, imò & prægnantes, per superiora; pueri, senes, infirmi, melancholici, per inferiora felicius purgantur. Denique affectus acuti, aut qui sedem Diaphragmate superiorem occupant, supernè; contrà diuturni,

Aph. 2r.
scd. 1o

auti. Teriori loco positi, deorsum crîsim facilius recipiunt. Jâm verò paroxîsmus seu accessio, morbi totius compendiosa quædam delineatio, iisdem etiam distincta temporum decursionibus, æquè diligenter observandis, non minimam dabit purgandi viæ indicationem; Desinente paroxîsmo ab inferioribus trahere quidè nonnunquàm licitum est, at cùm incipit accessio, ab omni motione abstinendum præterquàm à vomitû, quem tùm spontè natura moliri consuevit : nec levis sit, secûs quam hac, nimis eheu negligenti ætate fieri amat, in paritate vel imparitate dierum, consilii capiendi ratio : Morbi qui imparibus diebus exacerbantur, quales acuti fere omnes, ἀνδερότοι dicuntur apud Hippocratem, quia tunc maximè temporis, movet transmittitque natura turbatos humores ad ventriculum, hinc imparibus vomitus, paribus dejectio. Concludat porrò ipsemet Medicinæ didactor, ex cujus puris & inexhaustis fontibus majorem scientiæ ac praxeos ubertatem unò die comparaveris, quantà cæteris pragmaticis uno sæculo.

Ergo Peracutis statim, ut plurimum, purgatio per superiora.

Domini Doctores disputaturi.

M. Joannes Franciscus Foy-Vaillant.	M. Petrus-Joannes Burette.	M. Petrus Yon.
M. Alexius Lître.	M. Ludovicus de Vaux.	M. Antonius de Saint-Yon,
		Medicus Regis ordinarius.
M. Philippus-Ignatius Save.	M. Petrus Marais.	M. Joannes Robert.

Proponēbat Parisiis JOANNES-BAPTISTA CHOMEL,
Parisiinus, Baccalaureus Medicus. A. R. S. H. 1695.

Apud Franciscum Muguet, Regis & Facultatis Medicinæ Typographum.